

鰲

峰

集

整齋集卷之二

閩郡徐炳興公著

四言古詩

癸卯三月三日同趙仁甫王玉生陳伯孺

馬季聲王粹夫陳惟秦袁無競王永啟

林子真曹能始鄭思闇黃伯寵商孟和

高景倩王元直桑溪稷飲分得四言

條風扇煖臨彼清流韶光易邁逝川悠悠良朋  
式譙芳醴載浮灌木繁蔭百鳥鳴相求歌以永日

樂而消憂乘時對景美哉斯游

和蘇長公江郊四言

歸善治北數百步抵江有盤石小潭蘇公謂  
可垂釣作江郊四言詩六韻余尋其故址臨  
眺次韻追和

惠江之西雲晴霞絢盤石蹲峙澄瀾迴轉其日賢  
蘇公席地衣燕飛鳥嚶鳴楨鱗隱見遠樹若蒼  
寒烟如綫人代幾更遺蹤匪變

離合作郡姓名詩

閒居夜坐月色已沉

離日字

蛙聲聒夕圭竇誰

臨

離圭字  
合成閩

仲秋屆候人靜寡吟

離人字  
合成中

律轉無

射聿彼飛禽

離聿字

荼苦可茹草木匪森

離草字  
合成

成徐

焯焯紫芝華實在林

離華字

渤澥自廣水

流且深

離水字  
合成嶺

麤下有桐焚之絕音

離焚字

分

携繁念刀頭莫尋

離刀字  
合成興

翁離載咏羽觴罷斟

離羽字

成公

謁曾王父三友墓志感

嚶鳴弗召友道久湮一生一死交態誰真曾祖

王父洵美且仁論行結交因不失親三良同德  
膠漆雷陳家運不造歲龍在辰緊我厥祖遽殞  
其身有偉林公筆絕獲麟昔時三友兩歸卽塵  
吳翁後死誼篤朋倫買山東郭起塚勒珉死期  
其穴塋必與鄰易朽者骨不滅者神若堂若谷  
歷百餘春雲孫哭奠歲掃蕪秦葱菁松柏不摧  
爲薪與感今昔俗異澆淳願躡遐軌繼志先民  
用述祖德迺我後人

壬子上巳日陪喻郡公桑溪稷餘三章

上巳屆節春服旣成  
邦君出郭羽蓋霓旌  
山川改色草木向榮  
一朝行樂千秋令名

淡淡流水柔溪之陰  
羽觴遞行載浮載斟  
微風導和新禽送音  
美哉斯游諧茲賞心

王謝不作蘭亭已荒  
永和勝事千古誰方  
惟茲雅會爲歡未央  
遺躅可問追念前王

別友

北風蕭蕭歲聿二云暮  
我車旣戒言遵長路憂心  
忡忡于焉莫訢河廣且深  
勸公無渡輪蹄莫挽

躊躇反顧豈無同心惟子之故

蕭蕭長征嘆彼經年壽命匪駐歲月易遷眷言  
思子金石比堅行遠自邇別易會難山崩我我  
水流濺濺臨觴弗御淚如迸泉

寄在杭滇中

北風其涼道阻且長言念君子遠在鬼方乃旬  
乃宣作鎮萬邦叢林密菁萬里要荒尺素遼絕  
斷我衷腸

皇皇者華勞于王事載馳載驅莫或遑已水綠祿

昆明悠悠蒼洱遙  
睇參辰予懷曷寄荀  
無遐心何必遠邇

情詩

皎月在戶惠風吹襟  
有美人兮游于中林  
被服焜燿雜佩芳馨  
長河渺渺如隔商參  
脉脉無語中情彌欽

啄木詩

有鳥有鳥其羽肅肅  
閒則巢林饑則啄木  
嘴能攻堅利口何酷  
嗟彼讒人啄與禽屬  
傾覆邦家



甚於鴆毒

楚游感懷

仰彼朔風跂望楚都我馬瘠矣載馳載驅雁鴻  
失侶入雲哀呼緬懷故土中心如荼

汎彼湘川波流浩浩游子于役艱危遠道嚴霜  
如刃凋殺百草逐逐風塵寧不速老

陟彼崇岡白雲間之山魃夜啼其聲孔悲念我  
同氣音絕墳篋三復在原淚如綆縻

瞻彼北邙白楊滿郭悲風西來旅情蕭索興嗟

荜子心傷羸博我生乙乙云胡能樂

暮春集河上樓送陳道掌之夏津省少尹

伯父

春風扇和水溢清渠式借我友爰集其廬駕言  
行邁在齊之都悠悠遠道愁陟彼阻渺渺濠梁  
俯引淵魚鬱鬱層城弗見九射書盟津在望緬懷  
厥初高唐故里歌聞綿駒伯今思子感彼居諾  
丰容匪駐韶華易徂日思篤情結其樂無踰企予  
望之在天一隅臨觴弗御興空言躊躇

爲長孫命名字離合詩

徐鍾震器之

彼其之子射不主皮餘勇可賈退食委蛇鋤犁  
堪托助法誰施動靜往復力爲之疲霰集四野  
隨風散飛振楨未顛一木難支噩噩渾渾王風  
漸漓戾天飛鳶戶內莫縻芝房批秀凡草莠爲  
瑞麥詩爲建溪江介君賦

建溪臚臚厥壤惟良爲歲孔樂黍稷穰穰繫我  
神君化洽邑疆產茲瑞麥芄芃而芳一本數岐  
大青小黃惡乎宜乎天定發祥在昔張堪出麾

漁陽民歌且舞其樂未央今也載觀大潭之陽  
陋彼麻菽勝乎稌秬周禾同穎姬公德昌我侯  
應瑞羽輔 聖皇爲種爲麥培滋必長寧詠調豈  
愁斯倉其廂用獻與頌昭告四方

爲壽兒命名字離合詩

征夫于邁正月已更

離正字

途長萬里之子有

行

離之字  
合成徐

筵開廣陌竹葉載傾

離竹字  
成延

疇隴參

錯田畷誰迎

離田字  
成壽

洙雷出震水流不盤

離水  
字成

存詠歌祖道言別櫻情

離言字  
成未

鼇峰集卷之四

閩郡徐勳興公著

五言古詩

擬古

杪秋天氣肅道路阻且長  
君爲萬里別歡會不可常  
君懷旣悽惻我亦重慘傷  
振衣登高臺流水何湯湯  
車塵去漸遠涕下霑衣裳

游子畏行役北方風氣悲  
行行萬餘里顏色無光輝  
悠悠歲月徂此身未得歸  
奮飛無羽翼六日

暮空相思

予生厭浮華所好在山林春風吹嘉樹玄雲翳  
層岑鳥飛何翩翩鶴鳴發哀音灼灼桃李花悠  
悠感我心眷此易銷落青山合招尋人生貴行  
樂無庸嗟陸沉

幽居人跡稀誰可與言者欲濟苦無舟欲行無  
車馬獨賦采薇歌偃仰南山下孤雁飛冥冥北  
來棲曠野日暮心苦悲憂思何由寫

行行出東門遙望東南陌斗酒論衷懷故人從

此隔送君渡長河河水清且深臨流氣欲結涕  
泣不能禁

世務何錯迕人心變古今幽潛在林丘自謂勝  
榮名榮名有時盡但願適我情清晨藝禾黍日  
仄卧中庭楓林耀紅日衆鳥啾啾鳴逍遙田野  
中便足終餘生

山行

青山晚來好扶筇縱幽尋穿雲度高隴攀蘿行  
蒼林寒猿嘯樹顛野鶴棲松陰條然夕風起颯

颶吹衣襟菜竹生遠籟流泉瀉鳴琴跌坐巖石  
間悠悠心遺世心

山家投宿

清流抱孤村秋音澹林木水急衝板橋山空響  
飛瀑殘葉水邊黃危峰天際綠日暮何處歸人  
烟在修竹

送別

送別心苦悲置酒臨廣陌芳草黯長途垂楊戀  
征客離魂黯未銷岐路多輻側夕陽漸西曛無



由駐行色

舟夜有懷熙吉

霜降暝流寒停棹向古驛  
楓落知山秋雁歸辨  
江夕逢夜起攬衣言念同心客  
徒倚孤蓬前悠然風露白

山居

山中寡所親幽棲謝塵鞅  
雲影翳庭除月光轉  
虛廠墟里雞狗鳴陂塘  
青草長二三賢比隣斗  
酒互還往大道久榛蕪  
人心趨罔兩逝將山澤

游未以絕世網

人生元倏忽壽命不長保今朝矜朱顏明日成  
醜老根蒂同飄塵焉用心草草良朋次心驩娛濁  
酒足傾倒感嘆時序遷勲名安足道

江上再送在杭

江濤起悲風遊子遠于役顧盼不能語崎嶇日  
向夕征帆望杳然江水流無二所惜未盡權一  
別萬里隔風烟何蕭條歲月如過隙功名在少  
年相期未無斃

雜詩

秋氣何淒清攬衣步前林涼風起西北蕭蕭吹  
衣襟君子遠行役勿心勿志難爲心殷勤發懷想感  
激思德音俯仰起長嘆歎歎不能禁

祖道列清尊相從送行客矯首望前途便非故  
鄉陌高霞天際紅衰草沙邊白此別難再逢愁  
心轉如積

微風生四野聞闌淒冷冷寒雲翳空階落月明  
前庭中夜人語絕雞犬亦無聲徘徊望八極躊

踏倚華楹君行旣以徂被服爲誰榮

子孟冬陳伯孺過山居因懷平天薦夫女翔  
置酒坐虛館厥在三冬時左右夾修竹寒風日  
夕吹叢菊蒲籬落芳蘭香氣衰客從東方來相  
對叙心知班我山中荆飡我園中芝名理合詢  
問玄言未云疲所嗟把臂間三子相睽違或遁  
柯嶼利或隱六溪滄良會不易得白日西南馳  
何當跨玄鶴永夜相遨嬉

秋日同女大性之平遠臺燕集

杪秋天氣清長嘯登山峻深巖宿烟靄孤棹歸  
江湄塔影挂白雲蟬韻鳴青枝莫林野鳥還坐  
嶺長風吹主人多勝具躡屐相追隨東籬有黃  
菊采之落瑤卮一飲形神爽再飲心顏怡躊躇  
相顧眈皓魄光離離

向夕天色佳明星燦銀河繁霜杳然下鴻雁鳴  
嗷嗷樵歌谷外傳僧磬雲邊過持筐採杜蘅酌  
酒盼庭柯良會旣以深朱顏亦已酡去去鼇峰  
下高枕卧烟蘿

游仙

晨興望西方中有一洞府霞綃結帷幔金銀裝  
屋宇飄飄凌紫虛雙雙下玉女授我以大丹顏  
色宛如瑤服食未終朝倏忽生毛羽兩足躡風  
雲直跨玄天渚游目歷大荒輕裾半空舞

遙登昆侖上群仙奏九韶邂逅螭衣人問之爲  
子喬舉手笑相迎同觀滄海潮白鹿參駕前丹  
鳳翔雲霄並轡過扶桑臨風恣飄颻

星村早發遇風雨投宿山家

朝別武夷山衝曉出巖谷雲霧暗平蕪風雨酒  
林麓飛瀑掛遙岑霏霏屑瓊玉寒之重濕征衣泥  
深沒馬腹亂竹亞浦淑新水漲渠瀆山光看轉  
微松色望逾綠烟際聞雞聲回首見茅屋下馬  
問主人敲門暫投宿

感秋

拔劍起深夜風色淒以寒澹月皎沙渚哀雁翔  
雲雲端明河影漸落白露零溥溥所思在媿人道  
路傷渺漫欲托尺素書惜哉無飛翰感此不能

窳酒淚如狂瀾倪仰若有失天明若長歎

二曜無停軌陽精復陰魄四時易代謝人生等  
駒隙昨日美朱顏明朝鬢毛白容華豈足踰壽  
命匪金石堪嘆紅塵中軒車空役役何如持斗  
酒聊自適吾適百年在須臾奔馳太無益

朝出北邙山夜歸北邙路北邙草芊芊累累纍纍

丘墓墟風冷松楸子夜月色苦傷哉九泉人

一  
去無回顧往者既如斯來者復如故感嘆往來  
者中心實哀懼知愚雖異類埋骨只數步骨骸



何足非心富貴何足慕寄語賢哲士令各自當務  
寓張幼于林園秋夜作

秋色條已半暑退虛堂涼白雲宿簷際露氣寒  
木葉螢火光復滅雁聲哀以長月照竹影亂風  
掃殘荷香久客傷旅寓逢夜思故鄉引領望銀  
漢漢音意緒空茫茫

垂虹橋晚泛

明月出東林影射澄江淨蘆葦生夜涼雁鴻起  
秋興江干白苧歌聲與空谷應月落人未眠清

風迺烟磬

秋塘曲

妾居寒塘前夫婿吳門道別時恨匆匆別後傷  
懷抱憶作荷花香今朝荷葉老秋風吹寒塘楓  
落紛如掃時序易推遷朱顏豈長好裁書寄征  
人歸期須及早

雞鳴寺

出自東郭門蘿徑轉幽邃剎影入層雲雞聲落  
空翠鐘韻答松濤爐烟和花氣斜日下遙岑山

僧獨歸寺

擬登天台山

巍巍天台山乾坤幻靈蹟一萬八千丈去天不  
盈尺雲漢低可捫星辰近堪摘明霞起建標孤  
城望彌赤水聲迅不漸嵐光變朝夕瓊樓耀排  
空玉闕爛燭日飛梁亘絕澗板躋柿魂魄高峰  
等埒樓巨海類川澤碧林黝以深中有仙人宅  
一入蓬壺游邈與塵世隔逝將屏世緣永矣了

黃白

哭王少文

戴角鮮上齒英雄苦無年人生根蒂淺匪如金  
石堅良友勿心云歿洒淚徒涓涓追尋易筆言沉  
痛心憂煎哽咽不能道悲風聲淒然相期固膠  
漆何忍歸九泉紅顏委黃土旅葬悲荒阡山鬼  
吊空壁暗蟲吟秋烟死者不復知生者徒哀憐  
知音宵何許三嘆鍾期絃

交情生死分一別變寒煥滿眼人俱存胡君獨  
不祿爲君洒淚盡不能復成哭大暮永無晨悞

恨詎云足悽惻人君門事事堪愁目主人悵不  
見合哀問童僕達生非蒙莊悲感亂心曲

壽命嗟太促倏忽同浮雲千載金石交何期中  
路分北却松柏樹風露淒荒墳昔爲鸞鶴侶今  
爲狐兔群幽魂去窅窅吊客徒紛紛山陽一聲  
笛斷腸應爲君

織女詞

春蠶未成絲辛苦事蠶蠶葉盡蠶已稠機梭復  
相逼嗟哉東隣女夜眠惡紡績結束多綺羅猶

自嫌無色

春泛若耶

晨興泝龍門暮止耶溪宿  
樵風送輕橈南北往  
來速千巖高巉巖萬壑  
屢迴棹春色遍平蕪烟  
光散林麓草木何蒙茸  
雲霞遞興蔚斜陽逗遠  
村野燒明空谷客子臨  
清流朝暮恣所欲若際  
秋冬時幽懷詎云足

春日田家

春風吹郊墟夜雨洒茅  
屋輕雷起群動簷間鳴

布穀草木欣向榮桃李披籬曲河柳漸舒條柔  
桑變新綠野老親荷鋤兒僮慣椎牧雞豚歸暮  
烟牛羊晒晴旭糗糒旣得飽韋布還自足逍遙  
七十年豈識榮與辱堪嘆紅塵中車馬空馳逐  
月夜遲友人不至悵然有作

空庭秋氣清月光滿蘿徑門外人跡稀松風滿  
清聽最是淒涼時遙峰一聲磬

入吳興追懷徐子與使君

天日山色青巖畫溪光碧篤生古賢豪千載如

一日沈郎逝既久芳草翳遺宅仲文魂不歸湘  
靈罷瑤瑟東野丘隴卑夜雨枯楊白亞之二尺  
墳春風榛莽塞志和魚釣亡太湖水無色皎然  
舊塔類承旨殘碑折人骨俱已朽聲名光史冊  
近代太初君卜隱苕溪側三十六春秋冥冥泉  
下客騷壇失主將風雅無羽翼先生縱數公鵠  
起稟英特搗文邁西京揆藻輕大曆七子雄中  
原先生共駁歷稅死方雄飛倏然斲其翻吟魂  
落九原文星暗川澤予生嗟也晚相逢匪同日



誦詩仰高風掩卷三歎息今朝經鄭鄉痛悼欽  
明德斯文不復興非感填胸臆

官田春阻風

人情念鄉土誰能甘遠遊  
悵茲道路邈抱此生  
離愁心馳驅釋羸馬  
漂蕩乘孤舟旅雁暝  
投月哀猿寒叫秋  
冷露滴魂夢曉霜侵  
衣裘馮夷怒江  
汎狂飈迴石尤兩日  
不得渡停棹凝波流  
病僕夜呻吟枕邊百  
蟲啾孤客當此夕  
淒淒增百憂  
何時離風塵飲水  
居林丘

宿震澤口

蘆葦鳴晚風孤舟宿烟景江夕漁唱殘洲寒雁  
聲冷露氣淡月明湖光漾天影起坐思故園歸  
魂度鄉井悵茲離別心永夜空耿耿

夢見美人

落月照牀塵露下明星燦美人不可見獨夜起  
長嘆假寐覩容輝相逢錦衾爛裙帶解未開北  
風忽吹斷夢裏夢卽真夢覺夢俱幻角枕漬啼  
痕輾轉空一半早識相見難不使遊魂散愁緒

結裏腸起坐夜將旦誰知咫尺關聯遠等河漢  
送黃明立北上

六月苦行邁駕言遊燕都炎風自南來鞍馬紛  
長途解劍贈行色臨發還躊躇川程阻且修中  
情浩難寄置酒不能御日落城南隅雲路豈在  
遠期爾騰天衢

送屠田叔遷沅陵太守

良工審衆木美材知豫樟哲匠識衆璞至寶求  
珩璜困風久不振雅道幾云亡辨色乏慧照論

交多俗腸君本曠達者古意相頡頏一官起郎  
署持節來閩鄉入境問風雅下車禮賢良藻績  
志心所戀軒冕心能忘締結韋布士臭味如蘭芳  
白水信以旌青松盟愈長伊余山澤臞抱影徒  
自傷寒蟬空苦吟鴛駟困騰驤感君略固陋賞  
識恒匪常登陟陪賦咏驚座容疎狂公暇析文  
秣退食廢詞章下榻失仲舉倒屣無中郎曜靈  
條易度三年奉顏光瓜期忽已及簡書來徬徨  
良哉二千石銜 命之辰陽戒行設祖帳凌晨

促巖蒼杳杳楚山路迢迢天一方北風凋百草  
哀雁啼寒霜西行出廣陌野氣何蒼茫去轍安  
可卧涕泗空浪浪聞楚分異域欲濟川無梁念  
此知音稀中情悽未遑別恨咽不語離心愁詎  
揚惟有去後思徒倚懷甘棠

桑溪榭飲詩

和氣滿六合萬彙敷春陽時會忽變聲草木柔  
且長板除出東郭同志相携將茂林蔭長阪喬  
松被崇岡朝陽照我衣惠風吹我裳行行抵林

麓山水含蒼茫桑溪夾叢薄淺瀨鳴湯湯奔泉  
漱石齒殘溜衝溪光細草承列坐餘花逐浮觴  
在景暢幽襟臨澗羨濠梁觀瀾次心逸樂盍濯隨  
猶矜微尚旣云合心賞于焉償嘯咏遵遺俗游  
豫田心先王山川宛如昔陵谷嗟匪常古人不可  
作俛仰成悲涼察察千載外誰當嗣其芳

慶上人坐關仁王寺王懋宣先生有詩題

贈和韻贈之

三天廿八祖折葦來西域默坐觀真空九年徒

面壁傳法救迷情一花開五葉覺性本無礙卽  
空亦卽色立教離文字宗旨誰悟得上人乘慧  
根生小修淨業朗質醒凡途閉關寡言說丈室  
供跏趺種種辨真實每發菩提心圓滿匪差別  
六塵旣清淨五蘊復澄徹四大坐俱忘幻心頓  
消滅絕茲顛倒想鎮以至靜力譬如磨鏡光垢  
盡現明潔指日證如來開關能修習

哭次兒阿室

去秋喪伯兄殘臘哀孤姪今春兩女兒淪亡在

旬日最愛有少男始生名阿室孩笑知人情提  
携恒著膝何期歲踰週肌膚未曾實條爾嬰微  
寒竟患河魚疾抱病不五朝奄奄餘喘息巫覡  
眇靈符醫師寡仁術氣運歸盡時初秋月十七  
淒風方簸颺苦雨正蕭瑟弱魂杳何之黃泥瘞  
枯骸嗟哉情所鍾我輩詎能釋掩淚哭荒郊啼  
螿貼秋夕

謁高賢祠二首

王風久莫振大雅聲云殘闕邦僻炎海詩道良



獨難文衰起八代孰爲廻狂瀾賢哲鍾秀異漸  
啓斯文端達人秉鈞軸志士棲巖巒茲方或寄  
寓此地嘗爲官藻績日萬古俎豆歆詞壇神理  
賤猶在吟魂相與安合祀有令典芳名終不刊

其二

浮生如隙駒文人寡眉壽沒而祭于鄉輿論定  
賢否當年費苦吟誰知果不朽六代集一堂精  
靈恒聚首高蹤嘆已遙千古切尚友昔賢開必  
光群彥踵其後窮達何足論榮名與悠久因之

悼我兄舍悲酌杯酒

建溪驛送能始之留都

去歲當杪秋聞君乞休沐過家挈友朋修社烏  
山麓新詩迺倡酬幽賞諧康漣亡兄逝逾期君  
歸感華屋東帛驅素車爲文墓前哭范張情旣  
深桃哀誼彌篤我也忝同志事事俱追逐月雨  
出山臺江東籬采黃菊歲晏約尋梅樸被藤山曲  
春晴石鼓遊望海極遐矚同煎苦蕾香共冷荔  
熟非我約君行卽君期我宿煮啣君新園君

看我叢竹家林僅一載勿忘爾王程  
促秋高發使輶而我附車軸  
行舟坐臨水秣馬去遵陸  
茶洋賞月華分題刻殘燭  
尋仙入武夷訪古陟雲谷  
招邀方乍歡分携一何速  
我本緣苦饑君應爲微祿  
無緣繫白駒高飛仰黃鵠  
金陵眇天際雲山莽愁目  
阻絕踰春秋睽離歷寒燠  
後會未可常思君淚相續  
嗟我旅遊人貧身嘆孤獨  
臨別無所期今名爲君冊

冬日同蔡子行李子敏集聞仲連山齋席

上和別諸君

鑑湖清復深，結廬隱叢薄。嘉遁有幽人，于焉此  
棲托。矢志窺竺一，乾智心玩丘。索都忘朝市，喧雅  
稱林泉。樂日煦寒雀，鳴冰消巨鱗。躍何來二三  
子，相逢等雲鶴。論文歛浮華，說劍藏鋒鏑。坐久  
烏影移，談深塵毛落。同志洽，賡酬醇醪屢更酌。  
旅髮蕭且疎，羈身脆還弱。明日天一涯，風塵嘆  
漂泊。

明州感懷八首

駕言遠行邁，仰秋辭故都。  
秣馬遵長道，去去天一隅。  
暉暉無停軌，歲序行將徂。  
木作燕趙客，半載猶中途。  
結念氣哽咽，揜袂長嗟吁。  
家山四千里，白雲鬱以紆。  
矯首望不極，倪仰空躊躇。

憶別北堂上，金風聲正悲。  
慈母念遠涉，手線縱征衣。  
因餞驅我出，詎出尤苦饑。  
世路多逼仄，此意當告誰。  
三釜豈吾願，負米安能辭。  
所以魯仲由，千載仰其徽。

自從廢蓼莪，我興哀感霜露。  
負土力不堪，荏苒年

光復十載居殯宮允者永不寤營魄未及泉空  
言格駟免皇天亟降罰衷情苦難願有淚侶臯  
魚道傍哭風樹

少小念同氣和合成垣窺師友相切磨家庭日  
怡怡何期在中路鴻雁鳴聲悲飄然失故群手  
足傷分離痛此年命促嘆茲門扉衰絨書勗吾  
季子奮飛當及時

髮亂弄柔翰伊吾唇吻乾時命苦不造遭逢良  
獨難捧檄志弗逮雲水思盤桓茲半乃棄世巢

父因居山昔時同事輩相繼爭彈冠出處雖異  
轍榮名誰不刊歷覽高士傳什九愁餓寒

結髮事君子嫵婉情好申糟糠匪不愜伉儷尤  
相親早識中饋吉稔知橡木仁無家遠于役行  
路多酸辛燁燁桃李花灼灼芳閨春感此不能  
寐憂懷難具陳

作客嘆留滯明州滄海東巖城積層雪曠野生  
淒風草木盡黃落蕩子猶飄蓬故人渺何許楚  
澤無歸鴻睽離閱年歲感舊心忡忡會面安可

必魂夢徒相從

貴盛人爭趨賤貧世共棄管鮑不可作誰哉敦  
氣誼秋高別故鄉與君同攬轡建水忽分携相  
期秣陵地阮生途且窮主父遊匪易睽違歷寒  
燠千里遠莫至行行還舊山寄君兩行淚

武夷泛舟

尋真陟幽藪放棹遵迴溪千巖逝隱伏萬壑隨  
高低昔日列僊宴飛梁跨虹霓曾孫去不返瑤  
草空萋萋毛竹古洞窅桃花潭潭放迷至人安可



選誰復分刀圭應接散漫爲同客  
金雞啼

送陳元凱進士還朝

詞賦與經術兼長有而難廟廊與丘壑隱憂無  
兩端子也富經術成名爲美官雅尚振文藻凌  
厲登詞壇經綸志必展草澤心未寒秋高使車  
發道路傷渺漫彥倫釋舊褐首禹彈新冠要子  
以飛騰遠別休永歎

哭康元龍五十韻

哲人鮮壽考志士多夭殤斯文不復振厄運當

吾鄉痛哉我伯氏一病身先亡子卿擅才美繼  
殞尤堪傷伊人不可作俛仰經四霜猶賴二三  
子風雅相頡頏君也善名理出口諧宮商總角  
富經籍弱冠工文章高談邁晉宋染翰追鍾王  
馳奇匪吊詭縱酒非荒唐王公失其貴俠士矜  
其狂精神太矯健意氣何飛揚行年甫六六所  
志殊昂藏還期刷羽副天路爭翔翔梅溪古山  
邑念母過潯陽淹留閱旬月瘴嵐入膏肓自恃  
形色壯未肯嚴隄防迨不五歲還家卧畦房

醫師寡神術投劑皆倉皇親友嗟嗟及訣後事未  
及詳季秋月逢晦交星條無光春庵氣運盡四  
大如木僵嗟嗟半世事一夢成黃梁視若母舍  
歛涕泗空浪浪青鬢號內室白頭哀北堂君父  
本廉吏官罷惟空囊薄田僅餬口積貯無斯廂  
遺孤苦文弱門戶誰堪當憶昔甲午歲送君之  
朔方仗劍出門去飲馬遊沙場西吳與君遇抵  
足曾臨床看山約共轡問水謀同航論文每秉  
燭醉月榭飛觴無空言不相許無事非相將忽然

別我去雅道誰主張  
嗚咽憶往昔沈痛何時忘  
高賢有祠廟屹然烏石旁  
迎君季祖豆合祀聞  
馨香六代互廢和吟魂不荒  
涼後死吾徒在歲  
時薦蕤黃白六丁大運何因  
詢彼蒼斯人竟玉  
折世事難揣量日落豈迴  
昭蘭死徒留芳未識  
各投詠越境咸奔喪  
君詩有高致居然顏  
謝行身死名弗死  
骨朽從北邙荒隧  
閔宿草墓門枯  
白楊哀絃不忍奏  
隣笛摧肝腸嘆逝  
等大陸達生匪蒙  
莊賦詩哭良友氣  
結安能張

賦得何不秉燭遊

義和不停輪人生傷迅速晝夜恨匪均歲月易  
追逐緬思往詰人夜長每秉燭置酒邀古歡當  
筵理清曲富貴將焉施長歌復成哭美遊不及  
時庵忽空華屋願君崇令名勿使年光促

寒閨

羅幃霜月鑒銀缸對影涼動棧嬾玉釧解佩怯  
明璫心愁珠被冷孤眠不着牀

寒雞啼已急心獨夜守房櫳素凝釵股上淚結枕

函中北風吹繡戶炙手理薰籠

照流看落釵

寒塘比明鏡喜對可憐光墜釵拾不起照影不成妝因憐懽所贈懷思心自傷

贈高景倩

常侍去已邈大雅誰宣揚待詔不可作正聲誰  
頡頏君本曠達士才藻嗣其芳始知渤海後文  
人產匪常讀書鄙章句結撰諧清商鴟鴞任所  
笑威鳳惟高岡乘時飲美酒惜哉景倩君其

崇明德奮翮從翱翔

清明日同粹夫能始子真西湖泛舟

陰霖變新霽駕言遊郭西寒食乍改候四野榆  
烟迷湖光渺澄澈峰影隨高低新苗綠尚短弱  
柳黃未齊湖心覓古寺水曲尋芳堤古堞雲樹  
合敗墳烟草萋漲高漁撒網雨足農扶犁沁山  
布穀響掠水黃鶯啼畫船載棋局酒醖同提携  
取泉淪新茗乞火蒸落藜良辰欣共適佳景宜  
分題樂哉自忘返日暮猶攀躋城中多少女名塵

壞空樓樓

黃山篇

黃山高向我我去天不盈咫朱砂伏井泉白龍隱  
潭水山君巖石奇千載留故址天都望不極地  
軸互表裏危峰聳鉢于並穴成古臺圮軒轅歸鼎  
湖丹光燿然紫水相名廢原醉石平若砥仙踪  
嘆已遙人代相更始地秀鍾人豪標奇良在此

瑤華社集

欲展天宇清名園敞芳譙勝集諧贊心嘉嘉言會



群彥靈暉掛遙嶺淡靄迷廣館  
幽清隄岍迴衆  
壑光景變聲林虛籟鳴  
暝樹夕飈扇命酒合笙  
竿徵歌出嬋媛東行星  
已聚西來爽初薦事勝  
恒不忘情怡互相美聚  
樂同列筵聯携異鄉縣  
末座愧匪才願爲文士  
殿

集林天廸山庄

振策探幽林出郭越里許  
逶迤睇連岡迢遞歷  
修渚言尋良宴會樂事  
有誰與置酒對古懽盍  
簪慕儔侶穿躡飛烟耀  
在戶鳴春黍景光轉玉

衡律候變南口寒英滋露繁暮葉隨風舉桂陰  
籠夕霏蕉聲戰涼雨曲磴通亭臺芳沼達浦淑  
良宵徵婉孌于時集賓旅秣苑聯越閩藻林合  
吳楚坐深意悉敦興洽情盡抒超卓區中懷昭  
曠物外語何當長招邀相期永托處

秋日阮司理大會隣霄臺

玄英忽代序高臺風氣涼主人抱明德賢哲招  
四方冠蓋溢城關都美生輝光置酒盛懽宴擊  
鼓吹竿簫清論洽文雅載筆賡詞章川觀與廊

廟爲樂俱未與衆善不易得嘉會應難常諠駕  
金石固味同蘭蕙芳美遊泰附翼未矣從翱翔

其二

翱翔意已愜對酒興悲歌人生嘆易邁爲懽能  
幾何俯視浮雲馳仰看星宿羅高林衆鳥托遠  
漢孤鴻過平巒挂晴烟巨海流溟波三山鬱相  
望樓觀爭嵯峨昔日霸氣盡空陵委崇阿臨高  
極遐矚憂思寧足多

靈源洞

際曉陟層巖亭午憩深洞境寂林光涵地幽山  
氣動壘石蹲虎豹積蘚蟠蟠竦靈淵伏潛蚌荒  
池浴瑞鳳神僧昔住此說法自驚衆願惡奔流  
喧叱迴別澗關我來恣遐覽秋色楓平仲已遂  
丘壑懷美景目可送探討垂末言庶爲來者諷

其二

古多鐫蹉巖茲山屹尤盛先賢亦樂此于焉托  
賦味俛仰千百襍披榛見名姓縱有王公權難  
與蒼蘚競摩厓自剔拭成誦互相慶間誇詩律

奇或賞筆鋒勁快觀力不疲夕陽遠山映燃炬  
留新題期與古人並換之禪定心勿吟庶爲正

登石竺二山

秋晨氣蕭爽歷覽振幽策迤邐蓮林陰嶽崎越  
圓春乳枝高蔽虧猿臂捷綠壁昔聞九何子于  
此卜真宅開山鑄寶爐服食煉玉液歲久羽毛  
成兄弟願仙籍洞閉雲色古魚跨鯉形赤鶴影  
化寒巖琴響幻奇石我來匪一朝締玩恒悸魄  
逍遙巧神夢徘徊恣遐觀在境懼易忘庶動記

靈蹟

靈蹟既探討餘興不可止循厓陟絕巔望遠尤  
可喜磴道多嶮岨草樹復叢靡樵斧出雲際丁  
丁谷聲起長江澄若鏡新楓密如綺重巒逼遙  
漢聘日乃百里俯視幾村墟人烟傍寒水風吹  
天宇高海蒸日色紫畢志觀其妙憚力窮所美  
和期眺名山應懽從此始

黃蘗山觀龍潭水簾瀑布

披雲履危壑萬山列屏嶂移步各幻形所歷非

一狀層峰來深澗石室覆如益泉源從何來到  
此颯然響明珠噴空中晴雨挂屋上寒潭動莫  
測龍氣默可望緩流亦不涸驟至詎能漲千古  
符靈淵澄泓匪搖漾穿巖瀉瀉急瀑布濺數丈  
練光白紛紛飛雪色暄相向始覩自旣駭載觀神  
愈望窟宇已幽隱懷抱覺昭曠愉樂輕世塵斯  
理誰云妄

汪爾材總督陳元朋張紹和二孝廉招集

顧氏園林同鄭翰思民部陳貞鉉孝廉

曹能始林茂之分韻

臨漳風物佳名園據東陌  
孟冬氣候和群卉色  
不易引泉注芳沼爲山累  
奇石古蔓垂空青幽  
林淡寒碧欣逢賢主人  
嘉招展良席論議軼千  
載晤言永今夕  
新知樂匪懈舊好誼逾密  
諧賞信懽浹朋情自昭  
悉美游附接塵薄劣愧非質